

**Cyfarfod Tasglu Peillwyr
Y Drenewydd
17 Mehefin 2014**

Yn Bresennol	Ymddiheuriadau
Alan Michie – Cynllun Datblygu Gwledig Sir Fynwy	Angie Polkey - (gynt o) Ganolfan Gadwraeth Denmark Farm
Alison Heal – Cyngor Sir Ceredigion	Ann Jones – Ffederasiwn Cenedlaethol Sefydliadau'r Merched (NFWI)
Bleddyn Lake – Cyfeillion y Ddaear, Cymru	Anna Williams – Ymddiriedolaeth Bywyd Gwyllt Gogledd Cymru
Caryn Le Roux (Cadeirydd) – Llywodraeth Cymru	Claire Dinham - Buglife
Cath Shelswell – Plantlife	Claudia Howard – Partneriaeth Llyfrgelloedd Gogledd Cymru (NWLP)
Deborah Procter - Cyd-bwyllgor Cadwraeth Natur	Davey Martyn – Llywodraeth Cymru
Dickson Biryomumaisho – Cymdeithas Wenynwyr Uganda	Jane Rees - Anglesey Verges
Francis Gellatly – FERA	Jill Jackson – Asiantaeth Cefnffyrdd Gogledd a Chanolbarth Cymru (NMWTRA)
Gareth Baker – Gwenynfeydd Dyffryn Gwy	John Warren – Prifysgol Aberystwyth
Gemma Light (Ysgrifenyddiaeth) – Llywodraeth Cymru	Jonathan Cryer – RSPB Cymru
Helen Ovens – FUW	Julian Rees – Pollen8 Cymru
Holly Pinkney –Canolfan Genedlaethol Cadw Gwenyn Cymru	Maria Golightly – Gerddi Kew
James Byrne – Ymddiriedolaeth Natur Cymru	Michelle Delafield - Asiantaeth Cefnffyrdd Gogledd a Chanolbarth Cymru (NMWTRA)
Jan Miller – Ymddiriedolaeth Bywyd Gwyllt Gogledd Cymru	Natasha De Vere – Gerddi Botanegol Cenedlaethol Cymru
Jenny Shaw – Cymdeithas Gwenynwyr Cymru	Rachel Palmer – Cadwch Gymru'n Daclus
John Ridgwell – Green Space Wales	Rachel Lewis-Davies – NFU
John Watkins – LIC	Richard Watkins – Defra
Katherine Baldock – Menter Pryfed Peillio	Russel Hobson – Cadwraeth Gloynnod Byw Cymru
Len Wyatt –Rheoli Rhwydwaith Llywodraeth Cymru	Tracey Lovering – CNC
Louise Mount – Datganiad Polisi Cenedlaethol, Defra	
Marc Carlton – Fforwm Garddio Bywyd Gwyllt	
Mike Howe – CNC	
Nicola Bradbear – Bees for Development	
Rob Bailey – Rheoli Adnoddau Naturiol, Llywodraeth Cymru	
Ruth Shin – Datganiad Polisi Cenedlaethol Defra	

Sarah Slater – Cyngor Sir Y Fflint	
Sinead Lynch – Ymddiriedolaeth Cadwraeth Cacwn	
Steve Rose – Be Improvement and Bee Breeders' Association (BIBBA)	

Croeso a Chyflwyniadau

Cyflwynodd Caryn Le Roux y cyfarfod gan bwysleisio fod y Gweithlu Peillwyr yn cynnwys unrhyw sefydliad sy'n dymuno cael effaith bositif ar beillwyr a gweithio yn unol â phedwar nod y Cynllun Gweithredu ar gyfer Peillwyr. Cydnabuwyd bod yr holl randdeiliaid oedd yn bresennol yn cyflawni llawer o bethau yn barod sy'n cyfrannu at amcanion y Cynllun Gweithredu ar gyfer Peillwyr.

Cyfeiriodd Caryn at daflen Byw gydag Amgylchedd Sy'n Newid (LWEC) gydag argymhellion ar gyfer arweinwyr polisïau: Beth sy'n achosi'r gostyngiad mewn pryfed peillio?
<http://www.lwec.org.uk/publications/what-causing-decline-pollinating-insects>

Diweddariadau'r camau gweithredu

- **Seminarau Rheoli Lleiniau Ymyl Ffordd** – i rannu ymarfer gorau, chyflwyniadau, gwybodaeth a chodi ymwybyddiaeth ar lefel uwch mewn Awdurdodau Lleol.

Adborth a rhywfaint o'r pwyntiau a godwyd:

- angen mwy o ymgysylltiad â chontractwyr a mwy o wybodaeth
- rhan o'r ateb yn unig yw'r lleiniau ymyl ffordd
- mae trionglau gwyn ar ffyrdd yn Sir Ddinbych yn arwyddo dechrau a diwedd Parthau Cadwraeth wedi bod yn hynod o effeithiol a dylid eu defnyddio ledled Cymru
- angen arweiniad mwy eglur gan LIC
- angen dewis pwyntiau clir y gellir eu cyflawni
- "sut y mae llain ymyl ffordd dda yn edrych?"
- byddai'n fanteisiol cysylltu ffiniau a chorneli caeau.

Cam Gweithredu 1. Adroddiad o'r Seminarau i gael ei ddsbarthu cyn gynted ag y bydd wedi cael ei gwblhau gan Ganolfan Ymchwil Amgylcheddol Cymru (CYAC)

- **Glastir** – Cyflwynwyd ymateb i Ymgynghoriad Adolygiad Glastir gan y tasglu gyda mewnbyn gan CNC, Ymddiriedolaeth Cadwraeth Cacwn, Plantlife, a FUW.

Cam Gweithredu 2. Gemma i anfon yr ymateb hwn i'r ymgynghoriad ar-lein

Dyweddodd Sinead hefyd bod gan lawer o gyrff anllywodraethol eisoes daflenni ar gyfer perchnogion tir a ffermwr ar fioamrywiaeth a chynorthwyo peillwyr.

- **Tystiolaeth** – Mae Llywodraeth Cymru yn cymryd rhan mewn prosiect dan arweiniad Defra i ddylunio a phrofi **Cynllun Cenedlaethol i Fonitro Peillwyr a Pheillio** i ddarparu'r sail tystiolaeth gwyddonol ar gyfer asesu newidiadau ym mhoblogaethau peillwyr y DU (digonedd, amrywiaeth, cyfansoddiad a dosbarthiad) a gwasanaethau peillio i gnydau. Mae'r gwaith hwn newydd ddechrau. Gweler <http://randd.defra.gov.uk/Default.aspx?Menu=Menu&Module=More&Location=None&ProjectID=19259&FromSearch=Y&Publisher=1&SearchText=CEH&GridPage=3&SortString=ProjectCode&SortOrder=Asc&Paging=10#Description>

- **Map Peillwyr** – Cyflwynwyd gwybodaeth ar ran Davey Martyn i'r cyfarfod. Dylid anfon unrhyw ymholiadau i david.martyn@wales.gsi.gov.uk
- **Ap Peillwyr** – gwybodaeth wedi ei chyflwyno ar ran Davey sydd wedi bod yn gweithio â chydweithwyr yn LIC a Systemau Amgylcheddol. Codwyd cwestiwn – beth yw enw'r ap a pwy sy'n gallu ei ddefnyddio?

Cam Gweithredu 3. Rhagor o wybodaeth am yr ap i gael ei ddsbarthu gan Davey

- **Cymdeithas Gwenynwyr Cymru** – Rhoddodd Jenny Shaw ddiweddariad i'r cyfarfod ar y cynnydd, gan gynnwys llyfryn dwyieithog a gynhyrchwyd ganddynt ar gyfer aelodau ar sut i gynyddu eu cytrefi sydd ar gael i'w lawrlwytho o www.wbka.com. Maent hefyd wedi darparu hyfforddiant a darlithoedd i draean o'r aelodau.

Pwysleisiodd Steve Rose o BIBBA bod y gwahaniaeth rhwng gwenyn gwyllt a rhai sy'n cael eu rheoli yn broblem a bod angen cymorth.

- **Bee Friendly Monmouthshire (BFM)** - Alan Michie - Dechreuodd BFM ym mis Ebrill 2013, gan lwyddo i lobïo Cyngor Sir Fynwy sydd bellach wedi mabwysiadu polisi lleiniau ymyl ffordd, gan gynnwys torri ymylol, 31 gwely peillio gydag arwyddion wedi eu gosod, 60 aelod, 95% o ysgolion y sir wedi cael ymweliad gan BFM, bydd taflen "10 Ways to Bee Friendly" yn cael ei lansio ym mis Awst, hadau, ardaloedd peillio, addysgu pobl ifanc, digwyddiadau cysylltu, meithrinfeydd, gweithio gyda phwyllgorau Towns in Bloom gan edrych ar wahanol beillwyr, y gymuned ffermio, cynnig cynllun gwobrwyo ac mae Kate Humble bellach yn noddwraig.
- **Cyfathrebu** – mae'r wefan yn parhau i gael ei diweddarau gan Gemma (a Sean ym Mhartneriaeth Bioamrywiaeth Cymru), ymddangosodd erthyglau yng nghylchgrawn Gwlad, mae adroddiad 'blwyddyn o fodolaeth' yn cael ei lunio – diolch i bawb a anfonodd ddiweddariadau ar gyfer hwn. Dylid anfon unrhyw ychwanegiadau neu newidiadau i Gemma.

Cytunodd pawb oedd yn bresennol y byddai bathodyn 'logo' mawr yn cael ei wisgo gan randdeiliaid yn Sioe Frenhinol Cymru. Pwysleisiodd Jan Miller a Marc Carlton y dylai stondinau LIC a CNC yn y Sioe Frenhinol gynnwys planhigion. Mae'r Fforwm Garddio Bywyd Gwyllt wedi cyhoeddi taflen ddwyieithog ar Perfect for Pollinators y gellir ei lawrlwytho oddi ar wefan y Gymdeithas Arddwriaethol Frenhinol.

Cam Gweithredu 4. Rhestr fwy cryno o blanhigion peillwyr i'w llunio gan Jan Miller a Marc Carlton

Cam Gweithredu 5. Gemma i weithio ar logo mawr "Cefnogi Peillwyr yng Nghymru".

Cam Gweithredu 6. Gemma i weithio ar daflen gyhoeddusrwydd gydag eglurhad byr o'r tasglu ac y gall pobl ei dosbarthu ar y stondinau.

Cam Gweithredu 7. Pawb i anfon diweddariadau ar gyfer yr adroddiad 'blwyddyn o fodolaeth', ac anfon copi i Dîm Polisi Bioamrywiaeth Llywodraeth Cymru o unrhyw ddiweddariadau neu brosiectau newydd perthnasol sy'n cyfrannu at weithredu'r APP.

Defra – Strategaeth Genedlaethol Peillwyr (NPS)

Cyflwyniad gan Louise Mount a Ruth Shin, Defra, ar Strategaeth Genedlaethol Peillwyr Lloegr. Cynhyrchodd eu hymgyngoriad 335 ymateb gyda 70% o randdeiliaid yn cytuno â'r NPS. Mae'n werth nodi nad oes dim ar hyn o bryd yn benodol ar gael ar leiniau ymyl ffordd

yn yr NPS lle maent yn cytuno fod angen iddynt weithio mwy gydag Awdurdodau Lleol yn Lloegr.

Cynhadledd 'Plants for Bugs'

Rhoddodd Katherine Baldock ddiweddariad i'r cyfarfod ar y gynhadledd hon. Roedd wedi ei threfnu gan y Fforwm Garddio Bywyd Gwylt gyda siaradwyr o'r Gymdeithas Arddwriaethol Frenhinol.

Cam Gweithredu 8. Bydd dolennau i ragor o wybodaeth yn cael eu postio ar y gwe-dudalennau.

Cinio

Rhaglen waith y Flwyddyn Nesaf – John Watkins

Cafwyd trafodaeth i archwilio beth gredai'r Tasglu oedd y gweithrediadau blaenoriaethol ar gyfer y flwyddyn i ddod: beth sydd angen digwydd i roi gwell cefnogaeth i beillwyr a gweithredu'r Cynllun Gweithredu, a pha weithgareddau y dylai'r Tasglu a'i aelodau ymgymryd â hwy. Daeth y rhestr hir ganlynol o themâu a gweithgareddau i'w amlwg:

- **Amaethyddiaeth** – archwilio'r gwaith o ddatblygu cyfuniadau o hadau peillwyr-gyfeillgar nad ydynt yn peryglu cynhyrchiant tir amaethyddol; datblygu cymorth ariannol ar gyfer tyddynwyr gan ddilyn esiampl Rhaglen Asedau Naturiol Sir Fynwy a dangos sut i gael gafael ar gyngor o safon o ran dulliau rheoli; archwilio'r farchnad gyda golwg ar wair blodau gwylt ar gyfer anifeiliaid anwes ac anifeiliaid eraill; canfod a lledaenu ymarfer da sy'n ymwneud â phori a rheoli gweirgloddiau; archwilio cyfyngiadau a chyfluoedd ar gyfer cyflwyno neu gynnal ffermio cymysg mewn ardaloedd megis Penrhyn Gŵyr, Penrhyn Llŷn a Sir Benfro, dal ati i weithredu targedau'r Gardwenynen Fain; astudio ymarferoldeb ac effaith bosibl ymestyn y dull Coedwig Hir ar gyfer ymgysylltu cymunedol ym maes rheoli tir; darganfod ffermwyr 'llysgenhadol' ledled Cymru sy'n gallu arddangos ymarferion peillwyr-gyfeillgar i'w cyd-amaethwyr.
- **Tir cyhoeddus** - rhoi cymorth a chynghor i gymdeithasau tai cymunedol ar reoli tir ar gyfer blodau gwylt a chyflwyno gwestyau gwenyn wedi eu gosod ar ymylon ffordd, seminarau i gydgrynhoi arweiniad ac ymarfer da ar reoli lleiniau ymyl ffordd; sicrhau mesurau lliniaru priodol ar gyfer datblygiadau megis y carchar newydd yn Wrecsam (a chynhyrchu a lledaenu canllawiau i ddatblygwyr ar sut i ymgorffori bioamrywiaeth a/neu ddarparu lliniariad); cyflwyno ffordd beillwyr-gyfeillgar o reoli ar lwybrau llinol megis y Rhwydwaith Beicio Cenedlaethol, ystâd yr Ymddiriedolaeth Camlesi ac Afonydd, Llwybr Arfordir Cymru, ac ar y Llwybrau Cenedlaethol; cefnogi llywodraeth leol i archwilio eu hardaloedd ac i gynhyrchu cynlluniau isadeiledd gwyrdd ar gyfer eu hystâd/ardal; Llywodraeth Cymru i ddangos arweiniad o ran ymarfer da ar ei hystâd (ystâd Cyfoeth Naturiol Cymru, swyddfeydd, parciau busnes, ayyb).
- **Addysg** – adolygu ac atgyfnerthu cyngor a phecynnau ar gyfer athrawon; rhoi cymorth uniongyrchol i ysgolion (cyngor ac adnoddau) i 'blannu ar gyfer peillwyr' ar dir yr ysgol; cynnal a datblygu cysylltiadau ag Eco-Ysgolion.
- **Safonau** – cynhyrchu a/neu atgyfnerthu safonau peillwyr-gyfeillgar ar gyfer gwahanol gynulleidfaoedd – awdurdodau lleol, rheolwyr parciau, ayyb; atgyfnerthu rhestr o blanhigion peillwyr-gyfeillgar sy'n seiliedig ar dystiolaeth ac sy'n ffafrio rhywogaethau brodorol; cyflwyno cynllun achredu i sicrhau ansawdd honiadau 'peillwyr-gyfeillgar' a chodi safonau – 'Baner Gwenyn' ar gyfer gwrsyllfaoedd, gwestyau, cyrsiau golff, ayyb; sicrhau bod pwyslais yn cael ei roi ar gynefinoedd peillwyr a blodau gwylt o fewn dyfarniadau Baner Werdd a Gwobr Baner Werdd Gymunedol ar gyfer parciau a mannau gwyrdd.

- **Cyfathrebu a digwyddiadau** - archwilio ffyrdd o roi hunaniaeth gref i Gymru wrth iddi weithredu dros beillwyr, fel y wlad gyntaf yn y DU i lunio cynllun gweithredu; targedu mesurau i godi ymwybyddiaeth o faterion a chamau gweithredu ymysg y cyhoedd; hyrwyddo 'wythnos y peillwyr' i godi ymwybyddiaeth ac annog cyfranogiad mewn gweithgareddau 'gwyddonol-ddinasyddol' (cysylltu â Chyfrifiad Mawr Gloÿnnod Byw yr Ymddiriedolaeth Gloÿnnod Byw ac iRecord Buchod Coch Cwta y Ganolfan Cofnodion Biolegol a dysgu ganddynt) ; cipio a chyfleu'r pwyntiau allweddol ar gyfer 'galwad i weithredu' ar draws cynulleidfaoedd blaenoriaethol; creu ymgyrch prosiectau arddangosiadau ymarferol "swyn naturiol" mewn ysgolion, ysbytai, parciau busnes, ayyb.
- **Trefol** – cyflwyno Menter Peillwyr Trefol i gydlynu ac atgyfnerthu gweithgareddau peillio mewn ardaloedd trefol; cynorthwyo cynghorau cymunedol a threfol i ddarparu potiau a dulliau plannu sy'n addas ar gyfer peillwyr.
- **Cadw gwenyn** – cynorthwyo cynnydd mewn cynhyrchu gwenyn mêl cynaliadwy yng Nghymru gan yr holl sectorau cadw gwenyn; amcanu i sefydlu dull cronfa gwenyn mêl brodorol (fel y rhai ar Ynysoedd Colonsay ac Oronsay yn yr Alban); rhoi cymorth i hyfforddi gwenynwyr a darpar wenywyr a fydd yn cynnwys meithrin eu stoc eu hunain.
- **Garddwriaeth** – rhoi hyfforddiant a chymorth i staff canolfannau garddio ar ystyried peillwyr wrth blannu; cefnogi cynnydd yn nifer cyflenwyr hadau brodorol Cymreig.
- **Ceisiadau am elfennau i'w cynnwys mewn polisïau** – cynlluniau isadeiledd gwyrdd ar gyfer pob tref a dinas; nodiadau cyngor technegol isadeiledd gwyrdd a chanllawiau cynllunio ychwanegol; gofyniad statudol am weithredu peillwyr wedi ei gyflwyno drwy Fil yr Amgylchedd neu Fil Cenedlaethau'r Dyfodol.
- **Ymchwil** – archwilio ac amgyffred sut y byddai "tirwedd sy'n dda i beillwyr" yn edrych yng Nghymru, a chynhyrchu lefel/au map o ardaloedd cyfredol hynod werthfawr a chanddynt y potensial mwyaf ar gyfer gwelliant (gan ystyried cyfnewidiadau gyda gwasanaethau ecosystemol eraill a mewngorffori cysylltedd ayyb); sefydlu man cychwyn allweddol a monitro data ar boblogaeth a dosbarthiad rhywogaethau peillwyr allweddol a maint a dosbarthiad cynefinoedd sy'n cynnal peillwyr.
- **Rhyngwladol** – sicrhau bod gweithgaredd yng Nghymru yn cydnabod dimensiwn a chanlyniadau rhyngwladol y gostyngiad yn nifer peillwyr, a rôl botensial cadw gwenyn mewn gwledydd sy'n datblygu; adeiladu a chynnal cysylltiadau â llywodraeth ganolog a'r gweinyddiaethau datganoledig wrth barhau â Chynllun Gweithredu ar gyfer Peillwyr.

Cam Gweithredu 9. John Watkins i ddiwygio'r Cynllun Gweithredu ar gyfer Peillwyr i adlewyrchu'r drafodaeth, i ddrafftio rhaglen waith ar gyfer y Tasglu, ac i ofyn am enwebiadau ar gyfer grwpiau gwaith i fynd â Chamau Gweithredu'r Tasglu yn eu blaenau.

Lleiniau Ymyl Ffordd ar gyfer Blodau Gwylt - Menter Llywodraeth Cymru

Cyflwynodd Len Wyatt, Pennaeth Tîm Cyd-gysylltu a Chyngor Amgylcheddol, Rheoli Rhwydwaith Trafnidiaeth, fanylion y Fenter hon. Bydd yn adeiladu ar waith a wnaed eisoes er budd bywyd gwylt ar y rhwydwaith priffyrdd a chefnffyrdd. Bydd y rhaglen waith yn cynnwys creu a diogelu lleiniau blodau gwylt sy'n bodoli eisoes yn ogystal â gwella amodau ar gyfer blodau gwylt drwy waith cynnal a chadw priodol. Bydd y gwaith hwn yn cael ei wneud o fewn rhaglen pum mlynedd.

Cronfa Natur

- Diben y Gronfa Natur yw mynd i'r afael â'r lleihad mewn bioamrywiaeth mewn ffordd sy'n cydnabod y berthynas hanfodol â'n cymunedau ac economïau lleol. Roedd Mike Howe yn amheus a oedd angen cael 'elw economaidd' mewn perthynas â bioamrywiaeth. Angen eglurdeb. Pwysleisiodd Cath Shelswell hefyd na ddylai adrodd ar gyfer unrhyw gyllid a dderbyniwyd fod yn feichus. Cydnabu Rob yr holl bwyntiau a godwyd a bydd yn eu cyfleu i dîm y Gronfa Natur er mwyn iddynt eu hystyried.
- Mae'r Cwestiynau Cyffredin yn cael eu diweddarau'n barhaus a byddant yn cael eu rhannu â'r Grŵp Gorchwyl a Gorffen. Mae tîm y Gronfa Natur hefyd yn cysylltu â nifer o aelodau'r Grŵp fel y gallant gyflwyno cynigion i'r Gronfa. Bydd y tîm hefyd yn darparu diweddariad yn y cyfarfod nesaf.
- Gweithdy – Yna ymrannodd y cyfarfod yn grwpiau bychain i drafod a darganfod awgrymiadau ar gyfer cynigion ar gyfer y Gronfa Natur.

Datblygwyd nifer o syniadau:

- 'Swyn Naturiol' Cadwch Gymru'n Daclus yn datblygu cynnig i ddarparu mwy o wybodaeth benodol a digwyddiadau arddangos i gynulleidfaoedd arbennig, gan gynnwys ar diroedd ysgolion ac ysbytai.
- Ystâd Gyhoeddus - creu coedwigoedd GIG ym mhob Ardal Weithredu Byd Natur ar gyfer ecotherapi, gallai fod yn bartneriaeth rhwng Ymddiriedolaethau Bywyd Gwylt, CNC, ymddiriedolaethau GIG, elusennau canser
- Awdurdodau Lleol – lleihau'r ffactor 'diflas' sy'n gysylltiedig â phorfa amwynderol, a chreu 'hafanau i beillwyr'. Gallai fod yn bartneriaeth rhwng Awdurdodau Lleol, CNC, sefydliadau cadwraethol a phartneriaethau bioamrywiaeth lleol.
- Cyngor a chymorth ffermio – cyflwyno ymarfer da cynllun Ymddiriedolaeth Cadwraeth Cacwn yn Sir Benfro ar draws pob ardal weithredu: ffermwyr Sir Benfro i weithredu fel llysgenhadon. Cyngor a gweithgarwch i fod yn ddaearyddol-sbesiffig, wedi ei ddarparu gan arbenigedd ffermwyr-gyfeillgar, gan dargedu ffermwyr ar gyfer diwrnodau agored gwenyn cysylltiedig â gwasanaethau cynhyrchu a pheillio. Partneriaeth rhwng staff Parciau Cenedlaethol, cymdeithasau gwenyn lleol, Undebau Ffermwyr, Ymddiriedolaeth Cadwraeth Cacwn, Plantlife, Ffermwyr, Cynghorwyr Ffermydd, Tyddynwyr, Cyrff Ymchwilio, Agronomegwyr. Gellid ei ddarparu gan Cyswllt Ffermio.

Cam gweithredu 10. Bydd Cadwch Gymru'n Daclus yn arwain ar y cynnig i'r Gronfa Natur ynghylch ymgyrch peillwyr, sy'n cynnwys prosiectau arddangos, ac sy'n ymwneud â llywodraeth leol a'r sector preifat.

Unrhyw Faterion Eraill

- Ymchwil – mae cyllideb LIC yn cael ei dal ar hyn o bryd gan Defra. Mae angen parhau i gydweithio. Mae llawer o waith gwyddonol eisoes yn cael ei wneud yn y maes hwn.
- Mae Llywodraeth Cymru wedi lansio ymgynghoriad ar newidiadau i Drawsgydymffurfio ar ôl 2015. Mae'r ddogfen ymgynghorol ar gael o'r ddolen ganlynol a daw'r ymgynghoriad i ben ar 18 Gorffennaf 2014. <http://wales.gov.uk/consultations/environmentandcountryside/cap-cross-compliance-proposals/?skip=1&lang=en>

Cam gweithredu 11. Adroddiad Cadwch Gymru'n Daclus o Wild Weekend in Wales i'w ddsbarthu i bawb

	Cam Gweithredu	Arweinydd	Partneriaid	Dyddiad targed (os yw'n bosibl ei neilltuo)
1	Adroddiad o'r Seminarau i gael ei ddsbarthu cyn gynted ag y bydd wedi ei gwblhau gan Ganolfan Ymchwil Amgylcheddol Cymru (CYAC)	Gemma	Caryn / Shaun Russell	Awst 1
2	Ymateb Ymgynghoriad Adolygiad Glastir i'w bostio ar-lein	Gemma	Sean McHugh	Gorffennaf 18
3	Rhagor o wybodaeth ar yr ap ffôn symudol i'w ddsbarthu h.y. beth yw enw'r ap? Pwy sy'n gallu ei ddefnyddio?	Davey	Colin Chapman	Gorffennaf 18
4	Llunio rhestr fyrrach o blanhigion ar gyfer peillwyr	Jan Miller	Marc Carlton	Awst 1
5	Bathodyn â logo Cefnogi Peillwyr yng Nghymru i'w arddangos ar stondinau yn y Sioe Frenhinol	Gemma	Caryn / John	Gorffennaf 21
6	Gemma i weithio ar daflen gyhoedduswydd gydag eglurhad cryno o'r tasglu y gall pobl ei ddsbarthu ar y stondinau	Gemma	Tîm Dylunio LLI	Gorffennaf 21
7	Diweddariadau ar gyfer yr adroddiad 'blwyddyn o fodolaeth', a chopi i Dîm Polisi Bioamrywiaeth LI C o unrhyw ddiweddariadau neu brosiectau newydd perthnasol sy'n cyfrannu at gyflawni'r Cynllun Gweithredu ar gyfer Peillwyr.	Holl aelodau'r tasglu	Gemma / John	Gorffennaf 4
8	Cysylltiadau â'r Symudiad Pontio a chynhadledd 'Plants for Bugs' i'w postio ar-lein	Gemma		Gorffennaf 18
9	Diwygiadau i'r Cynllun Gweithredu ar gyfer Peillwyr i adlewyrchu'r drafodaeth, drafftio	John Watkins	Caryn / Gemma	Cyfarfod nesaf

	rhaglen waith ar gyfer y Tasglu, a chais am enwebiadau ar gyfer grwpiau gwaith i fynd â Chamau Gweithredu'r Tasglu yn eu blaenau.			
10	Bydd Cadwch Gymru'n Daclus yn arwain ar y cynnig i'r Gronfa Natur ynghylch ymgyrch peillwyr, sy'n cynnwys prosiectau arddangos, ac sy'n ymwneud â llywodraeth leol a'r sector preifat.	Rob Owen	John Watkins	
11	Adroddiad Wild Weekend for Wales Cadwch Gymru'n Daclus i'w ddisbarthu i bawb	Gemma	Louise Tambini / Gareth Davies	Awst 1